




ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

« 4 » ապրիլի 2017թ.

Հաստատում եմ՝

«Գնումների աջակցման կենտրոն» ՊՈԱԿ-ի
պետի տեղակալ  Հ. Այունց

ԳԲԽ-33/17 բողոքը քննող
հանձնաժողովին

Ե Ջ Ր Ա Կ Ա Ց ՈՒ Թ Յ ՈՒՆ

Ղեկավարվելով «Գնումների մասին» ՀՀ օրենքի (այսուհետ նաև՝ Օրենք) 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով, ինչպես նաև ուսումնասիրելով «Ֆոտոն» ՍՊԸ-ի 20.03.2017թ. ՀՀ գնումների բողոքարկման խորհրդին ներկայացրած բողոքը՝ պարզել ենք հետևյալը.

1. «Ֆոտոն» ՍՊԸ-ի ներկայացրած փաստերը, հիմնավորումները և պահանջը

«Ֆոտոն» ՍՊԸ-ն (այսուհետ նաև՝ Ընկերություն) 20.03.2017թ. ներկայացրած բողոքով հայտնել է, որ «Առավոտ» բարեգործական հասարակական կազմակերպության կողմից սննդամթերքի ձեռքբերման նպատակով կազմակերպված «ԱԲՀԿ-ՇՀԱՊՁԲ-17/1» ծածկագրով շրջանակային համաձայնագրերի միջոցով գնում կատարելու ընթացակարգի

այսուհետ նաև՝ Ընթացակարգ) մասնակից «Սպարապետ» ՍՊԸ-ն ներկայացրած հայտի գնային առաջարկում ԱԱՀ-ի գումարը սխալ է հաշվարկել:

Ընկերության կողմից որպես բողոքի իրավական հիմք նշվել է «Գնումների մասին» ՀՀ օրենքի (այսուհետ՝ Օրենք) 31-րդ հոդվածի 1-ին մասը, 45-րդ հոդվածի 1-ին և 3-րդ մասերը, ՀՀ կառավարության 2011 թվականի փետրվարի 10-ի N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 45-րդ կետը:

Ելնելով վերոգրյալից՝ «Ֆոտոն» ՍՊԸ-ն խնդրել է կասեցնել Ընթացակարգը, չեղյալ հայտարարել Ընթացակարգի գնահատող հանձնաժողովի 14.03.2017թ. թիվ 3 որոշումը և մերժել «Սպարապետ» ՍՊԸ-ի հայտը:

Ընկերությունը, մասնակցելով 24.03.2017թ. ժամը 17:00-ին տեղի ունեցած ԳԲԽ 33/17 բողոքը քննող հանձնաժողովի նիստին, պնդել է բողոքով ներկայացրած պահանջներն ամբողջությամբ, միաժամանակ ի լրումն բողոքի ներկայացրել է գրություն, որով խնդրել է բողոքով ներկայացրած պահանջներից բացի նաև չեղյալ հայտարարել Պատվիրատուի և «Սպարապետ» ՍՊԸ-ի միջև կնքված պայմանագիրը, ինչպես նաև դադարեցնել «Առավոտ» ԲՀԿ-ի կողմից պայմանագիր կնքելու մասին որոշումը, քանի որ «Առավոտ» ԲՀԿ-ն խախտել է Օրենքի 9-րդ հոդվածի պահանջները, այն է՝ պայմանագիրը կնքել է 20.03.2017թ., մինչդեռ պետք է կնքեր 21.03.2017թ.-ին:

2. «Առավոտ» բարեգործական հասարակական կազմակերպության կողմից բողոքի վերաբերյալ ներկայացված փաստերը, հիմնավորումները և դիրքորոշումը.

«Առավոտ» բարեգործական հասարակական կազմակերպությունը 22.03.2017թ. թիվ 013 գրությամբ «Ֆոտոն» ՍՊԸ-ի կողմից ներկայացված բողոքի վերաբերյալ հայտնել է, որ Ընթացակարգի ընտրված մասնակից ճանաչված «Սպարապետ» ՍՊԸ-ի կողմից ներկայացված գնային առաջարկում ԱԱՀ-ն հաշվարկվել է 16,67%-ով՝ վճարվելիք ընդհանուր գումարի նկատմամբ:

Կազմակերպության հայտի գնային առաջարկի 3-րդ, 4-րդ, 5-րդ տողերի հանրագումարը համապատասխանում է 6-րդ տողին: Բյուջեի նկատմամբ ԱԱՀ-ի գումարը պակաս չի գրանցվել:

Պատվիրատուն հայտնել է, որ Ընթացակարգի գնահատող հանձնաժողովի կողմից կազմվել է թիվ 2 արձանագրությունը, ըստ որի 1-ին, 2-րդ, 3-րդ, 4-րդ, 6-րդ, 8-րդ, 9-րդ և 10-րդ չափաբաժինների մասով հաղթող է ճանաչվել «Սպարապետ» ՍՊԸ-ն, քանի որ նրա առաջարկած գները ցածր էին «Ֆոտոն» ՍՊԸ-ի առաջարկած գներից, իսկ 5-րդ և 7-րդ չափաբաժիններով հաղթող է ճանաչվել «Ֆոտոն» ՍՊԸ-ն, արդյունքում «Առավոտ» բարեգործական հասարակական կազմակերպության և «Սպարապետ» ՍՊԸ-ի միջև 20.03.2017թ. կնքվել է պայմանագիր:

Պատվիրատուն, մասնակցելով 24.03.2017թ. ժամը 17:00-ին տեղի ունեցած ԳԲԽ-33/17 բողոքը քննող հանձնաժողովի նիստին, առարկել է Ընկերության կողմից ներկայացված բողոքի դեմ՝ ներկայացնելով գրավոր առարկությունը:

3. ԳԲԽ-33/17 բողոքի քննության համար էական նշանակություն ունեցող փաստերը.

ԳԲԽ-33/17 բողոքի քննության համար էական նշանակություն ունեն հետևյալ փաստերը՝

1. «Առավոտ» բարեգործական հասարակական կազմակերպության կողմից սննդամթերքի ձեռքբերման նպատակով կազմակերպված «ԱԲՀ-ՇՀԱՊԶԲ-17/1» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով հայտ են ներկայացրել «Ֆոտոն» ՍՊԸ-ն և «Սպարապետ» ՍՊԸ-ն:

2. Կազմակերպությունն Ընթացակարգի մասնակցության հայտի թիվ հավելվածով գնային առաջարկը թվով 10 չափաբաժինների համար ներկայացրել է հետևյալ տեսքով՝

(ՀՀ դրամ)

Չափաբաժինների համարները	Ապրանքի անվանումը	Ինքնարժեք	Շահույթ	ԱԱՀ*	Առաջարկված ընդհանուր գինը (տառերով և թվերով)
1	2	3	4	5	6
1.	Ալյուր	742394	74240	163366	980000 (ինը հարյուր ութսուն հազար)
2.	Շաքարավազ	318169	31817	70014	420000 (չորս հարյուր քսան հազար)

3.	Յուղ բուսական (ծեթ)	462102	46211	101687	610000 (վեց հարյուր տաս հազար)
4.	Բրինձ	249990	24999	55011	330000 (երեք հարյուր երեսուն հազար)
5.	Զավար	249990	24999	55011	330000 (երեք հարյուր երեսուն հազար)
6.	Հավի ձու	439376	43938	96686	580000 (հինգ հարյուր ութսուն հազար)
7.	Պանիր	587098	58710	129192	775000 (յոթ հարյուր յոթանասունհինգ հազար)
8.	Կարագ	1969618	196962	433420	2600000 (երկու միլիոն վեց հարյուր հազար)
9.	Միս (հավի)	833300	83330	183370	1100000 (մեկ միլիոն հարյուր հազար)
10.	Կարտոֆիլ	416650	124995	108355	650000 (վեց հարյուր հիսուն հազար)

3. ՀՀ ֆինանսների նախարարությունը 28.03.2013թ. թիվ 1.1/13.1/4089-13 շրջաբերականով հայտնել է, որ գնային առաջարկը գնահատվում է անբավարար և մերժվում է այն դեպքում, երբ նշված ԱԱՀ-ի գումարը չի համապատասխանում «Ավելացված արժեքի մասին» ՀՀ օրենքի պահանջներին:

4. Ընթացակարգի գնահատող հանձնաժողովը 14.03.2017թ. ժամը 15:00-ին տեղի ունեցած նիստի թիվ 3 արձանագրության 1-ին կետով որոշում է կայացրել ընտրված մասնակիցներ ճանաչել՝ «Սպարապետ» ՍՊԸ-ին՝ Ընթացակարգի 1-ին, 2-րդ, 3-րդ, 4-րդ, 6-րդ, 8-րդ, 9-րդ և 10-րդ չափաբաժինների մասով, իսկ «Ֆոտոն» ՍՊԸ-ին՝ 5-րդ և 7-րդ չափաբաժինների մասով:

5. Ընթացակարգի գնահատող հանձնաժողովի կողմից 14.03.2017թ. թիվ 3 որոշմամբ հաստատված՝ պայմանագիր կնքելու որոշման մասին հայտարարության համաձայն՝ «Գնումների մասին» ՀՀ օրենքի 9-րդ հոդվածով սահմանված՝ անգործության ժամկետ է սահմանվում 5 օրացուցային օրը ներառյալ, ինչպես նաև ընտրված մասնակիցների հետ պայմանագիր կկնքվի անգործության ժամկետի ավարտից հետո: Պայմանագիր կնքելու որոշման մասին հայտարարությունը Պատվիրատուի կողմից հրապարակվել է www.gnumner.am հասցեով ինտերնետային կայքում՝ **15.03.2017թ.**:

6. «Առավոտ» բարեգործական հասարակական կազմակերպության «Սպարապետ» ՍՊԸ-ի միջև **20.03.2017թ.** կնքվել է «ԱԲՀ-ՇՀԱՊՁԲ-17/1-1» ծածկագրով պայմանագիր (այսուհետ՝ Պայմանագիր):

7. **20.03.2017թ.** ՀՀ գնումների բողոքարկման խորհրդին ներկայացրած բողոքով «Ֆոտոն» ՍՊԸ-ն խնդրել է կիրառել ժամանակավոր միջոց և կասեցնել Ընթացակարգը:

8. ՀՀ գնումների բողոքարկման խորհուրդն՝ ի դեմս ԳԲԽ-33/17 բողոքը քննող հանձնաժողովի, 24.03.2017թ. կայացրած որոշմամբ, բավարարել է «Ֆոտոն» ՍՊԸ-ի միջանկյալ ընթացակարգ կիրառելու վերաբերյալ պահանջը:

4. ԳԲԽ-33/17 բողոքը քննող հանձնաժողովին «Գնումների աջակցման կենտրոն» ՊՈԱԿ-ի կողմից ներկայացվող հիմնավորումները և եզրահանգումը

«Գնումների աջակցման կենտրոն» պետական ոչ առևտրային կազմակերպությունը, ուսումնասիրելով «Ֆոտոն» ՍՊԸ-ի 20.03.2017թ. բողոքը և կից ներկայացված փաստաթղթերի պատճենները, 24.03.2017թ. ի լրումն բողոքի, «Առավոտ» բարեգործական հասարակական կազմակերպության 22.03.2017թ. թիվ 013 գրությունը և կից ներկայացված փաստաթղթերի պատճենները, հայտնում է հետևյալը.

«Ավելացված արժեքի մասին» ՀՀ օրենքի 9-րդ հոդվածի 1-ին պարբերության համաձայն՝ ԱԱՀ-ի դրույքաչափը սահմանվում է 20 տոկոս՝ ապրանքների ու ծառայությունների հարկվող շրջանառության նկատմամբ:

Օրենքի 9-րդ հոդվածի 2-րդ մասի համաձայն՝ Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին որոշումը հայտարարություն անգործության ժամկետի վերաբերյալ: Անգործության ժամկետը **պայմանագիր կնքելու մասին որոշման հայտարարության հրապարակման օրվան հաջորդող օրվա** և պատվիրատուի կողմից պայմանագիրը կնքելու իրավասության առաջացման օրվա միջև ընկած ժամանակահատվածն է:

Օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Կարգի 35-րդ կետի 2-րդ ենթակետի համաձայն՝ մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ

բացվածք կամ այլ մանրամասներ չեն պահանջվում և ներկայացվում: **Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ**, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

Կարգի 44-րդ կետի 4-րդ ենթակետի համաձայն՝ հանձնաժողովը մերժում է այն հայտերը, որոնցում բացակայում են հրավերի պահանջներին համապատասխան ներկայացված գնային առաջարկը կամ հայտի ապահովումը:

Կարգի 45-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում հայտերում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը կամ գնային առաջարկը կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Այսպիսով, «Առավոտ» բարեգործական հասարակական կազմակերպության կողմից սննդամթերքի ձեռքբերման նպատակով կազմակերպվել է «ԱԲՀ-ՇՀԱՊՁԲ-17/1» ծածկագրով շրջանակային համաձայնագրերի միջոցով գնում կատարելու ընթացակարգ, որին մասնակցելու նպատակով հայտ են ներկայացրել «Ֆոտոն» ՍՊԸ-ն և «Սպարապետ» ՍՊԸ-ն:

Ընթացակարգի գնահատող հանձնաժողովը 14.03.2017թ. ժամը 15:00-ին տեղի ունեցած նիստի թիվ 3 արձանագրության 1-ին կետով որոշել է Ընթացակարգի 1-ին, 2-րդ, 3-րդ, 4-րդ, 6-րդ, 8-րդ, 9-րդ և 10-րդ չափաբաժինների մասով ընտրված մասնակից ճանաչել «Սպարապետ» ՍՊԸ-ին:

Կազմակերպությունն Ընթացակարգի թվով 10 չափաբաժինների համար ներկայացրած հայտի հավելված N 4 գնային առաջարկը ներկայացրել է՝ նշելով ԱԱՀ-ի սխալ հաշվարկ, քանի որ համաձայն «Ավելացված արժեքի մասին» ՀՀ օրենքի 9-րդ հոդվածի՝ ԱԱՀ-ի դրույքաչափը սահմանվում է 20 տոկոս՝ ապրանքների ու ծառայությունների հարկվող շրջանառության նկատմամբ, ինչպես նաև, եթե ԱԱՀ վճարող

համարվող անձն ԱԱՀ-ի գումարը չի արտացոլել ԱԱՀ-ի հաշվարկի համապատասխան տողերում, **ապա ԱԱՀ-ի գումարը հաշվարկվում է ԱԱՀ-ի 20 տոկոս դրույքաչափի կիրառմամբ** (այսինքն՝ ինքնարժեք + շահույթ X 20%):

Պատվիրատուն 22.03.2017թ. թիվ 013 գրությամբ, ըստ էության, ընդունել է, որ Ընթացակարգի ընտրված մասնակից ճանաչված «Սպարապետ» ՍՊԸ-ի կողմից ներկայացված գնային առաջարկում ԱԱՀ-ն հաշվարկվել է ոչ թե **20 տոկոս դրույքաչափի կիրառմամբ, այլ 16,67%-ով**:

ՀՀ ֆինանսների նախարարությունը 28.03.2013թ. թիվ 1.1/13.1/4089-13 շրջաբերականով հայտնել է, որ գնային առաջարկը գնահատվում է անբավարար և մերժվում է այն դեպքում, երբ նշված ԱԱՀ-ի գումարը չի համապատասխանում «Ավելացված արժեքի մասին» ՀՀ օրենքի պահանջներին, միաժամանակ որպես օրինակ նշելով հետևյալ դեպքը. «Եթե գնային առաջարկը ներկայացված է հետևյալ կերպ՝ 90 ՀՀ դրամ /ինքնարժեք/ + 10 ՀՀ դրամ /շահույթ/ + 16 ՀՀ դրամ /ԱԱՀ/= 116 ՀՀ դրամ (մեկ հարյուր տասնվեց ՀՀ դրամ) /առաջարկված գինը տառերով և թվերով/, ապա հայտը գնահատվում է անբավարար և մերժվում է, քանի որ տվյալ դեպքում **նշված ԱԱՀ-ի գումարը չի համապատասխանում «Ավելացված արժեքի մասին» ՀՀ օրենքի պահանջներին**»:

Կենտրոնն արձանագրում է, որ Պատվիրատուի կողմից խախտվել են Օրենքի 31-րդ հոդվածի 1-ին մասով և Կարգի 44-րդ կետի 4-րդ ենթակետով սահմանված պահանջները, քանի որ «Սպարապետ» ՍՊԸ-ի հայտը՝ գնային առաջարկը, հրավերի պահանջներին չհամապատասխանելու հիմքով (նշված ԱԱՀ-ի գումարը չի համապատասխանում «Ավելացված արժեքի մասին» ՀՀ օրենքի պահանջներին)՝ նշված փուլում ենթակա էր մերժման, սակայն չի մերժվել և շարունակվել է ընթացակարգը, արդյունքում «Առավոտ» բարեգործական հասարակական կազմակերպության և «Սպարապետ» ՍՊԸ-ի միջև **20.03.2017թ.** կնքվել է «ԱԲՀ-ՇՀԱՊՁԲ-17/1-1» ծածկագրով պայմանագիր:

Ի լրումն ներկայացրած բողոքի, Ընկերությունը 24.03.2017թ. ներկայացրած գրությամբ խնդրել է Պայմանագիրը հայտարարել չեղյալ:

Այսպիսով, Պատվիրատուի կողմից պայմանագիր կնքելու մասին որոշման հայտարարությունը հրապարակվել է www.gnumner.am հասցեով ինտերնետային կայքում **15.03.2017թ.**, որով անգործությունը սահմանվել է **5 օրացուցային օրը ներառյալ**, իսկ

Պայմանագիրը կնքվել է ժամկետից շուտ՝ 20.03.2017թ., այսինքն անգործության ժամանակահատվածում:

Գտնում ենք, որ նման պայմաններում Պատվիրատուի կողմից խախտվել են նաև Օրենքի 9-րդ հոդվածի 2-րդ մասով սահմանված պահանջները, համաձայն որի՝ անգործության ժամկետը **պայմանագիր կնքելու մասին որոշման հայտարարության հրապարակման օրվան (15.03.2017թ.) հաջորդող օրվա (16.03.2017թ.)** և պատվիրատուի կողմից պայմանագիրը կնքելու իրավասության առաջացման օրվա միջև ընկած ժամանակահատվածն է: Այսինքն, Պատվիրատուն իր կողմից պայմանագիր կնքելու մասին որոշման հայտարարությամբ անգործության ժամկետը սահմանվել է **5 օրացուցային օրը ներառյալ**, ինչը նշանակում է, որ Պայմանագիրը կնքվել է ժամկետից շուտ՝ 20.03.2017թ., այսինքն անգործության ժամանակահատվածում, այնինչ պետք է կնքվեր հաջորդ օրը՝ 21.03.2017թ.:

ՀՀ քաղաքացիական օրենսգրքի 305-րդ հոդվածի համաձայն՝ **օրենքի կամ այլ իրավական ակտերի պահանջներին չհամապատասխանող գործարքն անվավեր է**, եթե օրենքը չի սահմանում, որ նման գործարքն առոչինչ է կամ չի նախատեսում խախտման այլ հետևանքներ:

Հայտնում ենք, որ Օրենքի 49-րդ հոդվածի 3-րդ մասը սահմանում է, որ բողոքն ինքնաբերաբար չի կասեցնում պայմանագրի կնքման ընթացակարգը, **սակայն մինչև խորհրդի կողմից նույն հոդվածի 1-ին կամ 2-րդ մասերով նախատեսված որոշման ընդունումը պարզվիրարուն իրավունք չունի պայմանագիր կնքելու, իսկ ՀՀ քաղաքացիական օրենսգրքի 305-րդ հոդվածի համաձայն՝ օրենքի կամ այլ իրավական ակտերի պահանջներին չհամապատասխանող գործարքը համարվում է անվավեր:**

Օրենքի 48-րդ հոդվածի 6-րդ մասի 3-րդ կետի «ա» ենթակետի համաձայն՝ **խորհուրդն իրավունք ունի չեղյալ հայտարարելու կնքված պայմանագիրը** Օրենքի 9-րդ հոդվածի կամ **49-րդ հոդվածի 3-րդ մասի պահանջները խախտելու դեպքում**, եթե նման խախտումը գրկել է շահագրգիռ մասնակցին նախքան պայմանագրի կնքումն իրավական պաշտպանության միջոցների դիմելու հնարավորությունից, և եթե նման խախտումը համադրված է պետական գնումների մասին Հայաստանի Հանրապետության օրենս

դրության այլ պահանջների խախտման հետ, և եթե վերջին խախտումն ազդել է պայմանագիր կնքելու շահագրգիռ մասնակցի հնարավորությունների վրա:

Ընկերությունը **20.03.2017թ.** ներկայացրած բողոքով, հիմք ընդունելով Օրենքի 48-րդ հոդվածի 6-րդ մասի 1-ին կետով սահմանված պահանջը, միջնորդություն է ներկայացրել Ընթացակարգը կասեցնելուն ուղղված ժամանակավոր միջոցներ կիրառելու մասին, ինչը բավարարվել է Խորհրդի 24.03.2017թ. որոշմամբ:

Հաշվի առնելով այն հանգամանքը, որ Պայմանագիրը կնքվել է անգործության ժամանակահատվածում, ինչպես նաև Օրենքի 49-րդ հոդվածի 3-րդ մասի ուժով, Պատվիրատուն իրավունք չունի կնքելու պայմանագիր, ուստի «Առավոտ» բարեգործական հասարակական կազմակերպության և «Սպարապետ» ՍՊԸ-ի միջև **20.03.2017թ.** կնքված «ԱԲՀԿ-ՇՀԱՊՁԲ-17/1-1» ծածկագրով պայմանագիրը (մինչև միջնորդության կապակցությամբ որոշում կայացնելը) կնքվել է Օրենքի պահանջների խախտմամբ, իսկ նման պայմանագիրը, ՀՀ քաղաքացիական օրենսգրքի 305-րդ հոդվածի համաձայն, անվավեր է և Օրենքի 48-րդ հոդվածի 6-րդ մասի 3-րդ կետի «ա» ենթակետի համաձայն՝ ենթակա է չեղյալ հայտարարման:

Ելնելով վերոգրյալից՝ առաջարկում ենք «Ֆոտոն» ՍՊԸ-ի 20.03.2017թ. ներկայացրած բողոքը բավարարել:


ա. դադարեցնել Ընթացակարգի գնահատող հանձնաժողովի 14.03.2017թ. ժամը 15:00-ին տեղի ունեցած նիստի թիվ 3 արձանագրության 1-ին կետով՝ «Սպարապետ» ՍՊԸ-ին՝ Ընթացակարգի 1-ին, 2-րդ, 3-րդ, 4-րդ, 6-րդ, 8-րդ, 9-րդ և 10-րդ չափաբաժինների մասով ընտրված մասնակից ճանաչելու մասին որոշումը,

բ. դադարեցնել Ընթացակարգի գնահատող հանձնաժողովի կողմից 14.03.2017թ. թիվ 3 որոշմամբ կայացված՝ պայմանագիր կնքելու մասին որոշումը,

գ. չեղյալ հայտարարել «Առավոտ» բարեգործական հասարակական կազմակերպության և «Սպարապետ» ՍՊԸ-ի միջև 20.03.2017թ. կնքված «ԱԲՀԿ-ՇՀԱՊՁԲ-17/1-1» ծածկագրով պայմանագիրը:

«Գնումների աջակցման կենտրոն» ՊՈԱԿ-ի

Գնումների բողոքարկման և իրավական
խորհրդատվության վարչության պետ՝



Հ. Ենգոյան

Գնումների բողոքարկման և ահազանգման
բաժնի պետ՝



Ռ. Մկրտչյան

Գնումների վերապատրաստման և
խորհրդատվության բաժնի գլխավոր
մասնագետ՝ ԳԲԽ-33/17 բողոքը
քննող հանձնաժողովի քարտուղար՝



Ա. Գրիգորյան